

# Aavernik illersuineq piniarnerlu pillugit Namminersorlutik Oqartussat nalunaarutaat

Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi § 2, imm. 4, § 8, §§ 11-13, § 15, imm. 4 aamma §§ 17-21, kingullermik Inatsisartut inatsisaata allanngortinnerra pillugu Inatsisartut inatsisaatigut nr. 1, 16. maj 2008-meersumi aamma Pinngortitamik illersuineq pillugu Inatsisartut inatsisaanni nr. 29, 18. december 2003-meersumi § 5, imm. 1, § 6, imm. 2, § 35, §§ 60-61 naapertorlugit aalajangersarneqarpoq:

## Kapitali 1

*Atuuffia*

**§ 1.** Nalunaarummi uani nunami immamilu Kalaallit Nunaata oqartussaaffigisaani aarrup (*Odobenus rosmarus*) illersorneqarnera piniarneqarneralu pineqarpoq.

*Imm. 2.* Kalaallit Nunaata Avannaarsuani Tunumilu nunamik uumasuinillu eqqissisimatitsinissaq pillugu aammalu Qimusseriarsuarmi uumasunik eqqissisimatitsivimmut isernissamut immikkut aalajangersagaqarpoq. Aalajangersakkat taakkunani nalunaarutini marlunni aalajangersarneqarnikuupput.

## Kapitali 2

*Nassuaatit*

**§ 2.** Nalunaarummi matumani uku imatut paasineqassapput:

- 1) Piaqqat: Aarrup piarai 2 meterimik imaluunniit inorlugu angissusillit, imaluunniit tuugaavi kakkviaanit nuisasut 10 cm-inik takissusillit imaluunniit naannerit, arnavissanik inersimasunik ingiaqateqartut.
- 2) Arnavissat inersimasut: Arnavissat tuugaavi kakkviaanit nuisasut 15 cm-inik takissusillit imaluunniit takinerit.
- 3) Aqtutiveqarfiit ilangussaq 2-mi aalajangersarneqarnikuupput.
- 4) Illeqqutoqqat atorlugit piniarneq: Aaffanniarneq angallat, qajaq imaluunniit qimusseq assartuutit atorlugu, kiisalu piniutit assersuutigalugu unaaq.
- 5) Pisiortorfik siulleq: Inuk inuussutissarsiutigalugu piniarnermut allagartalik aavermik pisaminit tunisassianik tunisaqartoq. Pineqarput tunisassiat nutaat, inunnut nerisassatut eqqarsaatigineqartut, suli suliarineqanngitsut.
- 6) Sanalukkanik eqqumiitsuliat: Eqqumiitsuliaq aavermik tunisassiamit nammineq (illumi) suliaq nammineq angerlarsimaffimmi atugassiaq aammalu tuniniaqqinnissaa siunertaralugu suliaq.
- 7) Siloq: Aaveq immami, sikumi sissamiluunniit nassaarineqartoq toqungasoq.

## **Kapitali 3** *Eqqissisimatitsineq*

**§ 3.** Aarrit nunami aalisarnikkullu imartami Kalaallit Nunaata oqartussaaffigisaani eqqissisimatitaapput, nunami qassimaffii ilanngullugit, taamaattorli § 5 takuuk.

*Imm. 2.* Aarrit nunamiittut imaluunniit nunami qassimaffimiittuniit 300 meterit iluanni aallaammik seqqorneq, ajoquusersuineq angalanerluunniit inerteqqutaavoq, taamaattoq imm. 3 takuuk.

*Imm. 3.* Naak imm. 2-mi aalajangersagaqarluartoq, aqqutit nalunaaqutsikkat aqqutigalugit angallammik angalasoqaqquaavoq.

*Imm. 4.* Dronit aavernik filmilornermut allatulluunniit malersuinermut atornissaat inerteqqutaapput, taamaattorli § 28 takuuk.

*Imm. 5.* Angallatit, angallatip angissusianut uppernarsaat malillugu 15 meterinik takissuseq tamakkerlugu (t.t.) takitigisut tassanngaluunniit anginerusunut, aarrit nunamiittut imaluunniit nunami qassimaffimiittuniit 1000 meterit iluanni ajoquusersuineq angalanerluunniit inerteqqutaavoq.

*Imm. 6.* Aarrit nunamiittut imaluunniit nunami qassimaffimiittut qulaallugit timmisartorneq minnerpaamik 1000 fod-imik (304,8 meter) qutsitsigisumik ingerlaneqassaaq.

**§ 4.** Piaqqat piaqqallu arnavissanik inersimasunik ilaqtut nunami aalisarnikkullu imartami Kalaallit Nunaata oqartussaaffigisaani eqqissisimatitaapput, taamaattorli imm. 2 takuuk.

*Imm. 2.* Aqtsiveqarfik 1-im 3-milu piaqqat arnavissanik ingorteqartut arnavissallu inersimasut piniaqquaapput, taamaattorli § 6 aamma § 28 takuuk. Piaqqat arnaminnik pisariaqartitsisut ilanngullugit toqunneqassapput, arnaa pisarineqarsimappat, pisallu immikkoortillugit marluusutut nalunaarutigineqassallutik.

## **Kapitali 4** *Piniagassanut pisassiissutinik aalajangersaaneq*

**§ 5.** Naalakkersuisut aavernik ukiumut ataatsimut imaluunniit ukiunut arlalinngut pisassiissutinik aaveqatigiikkutaartumik aalajangersaasinnaapput. Pisassiissutinik aalajangersaaneq makkua eqqarsaatigalugit pissaaq:

- 1) nunat tamalaat akornanni isumaqatigissutit
- 2) ilisimatuussutsikkut siunnersuuit
- 3) piniartut atuisullu ilisimasaat, aamma
- 4) Kommunit aamma Piniarneq pillugu Siunnersuisoqatigiit ilaasortaanik tusarniaasimaneq.

*Imm. 2.* Pisassiissutit aarrinut tungassutilinnik pissuteqartumik aarrillu amerlassusaat eqqarsaatigalugit aarrit aalajangersimasumik suaassusilinnut ukioqatigiinnullu piniarnissamullu piffissanut, sumiiffinnut aalajangersimasunut piniariaatsinullu aalajangersimasunut killilerneqarsinnaapput.

*Imm. 3.* Pisassiissutinik taakkununngalu piumasaqaatinik aalajangersaaneq pillugu nalunaarut nittartakkami [www.naalakkersuisut.gl](http://www.naalakkersuisut.gl)-imi aamma tusagassiutitigut nalunaarutikkut tamanut saqqummiunneqassapput.

## Kapitali 5

*Piniakkat killeqarfí piffissallu piniarfit aalajangersarnerat*

**§ 6.** Piniakkat nunap immikkoortuinik killeqarfefeqarput, ilanngussarlu 2 naapertorlugu nassuiardeqarlutik.

*Imm. 2.* Nunami sumiiffinnut killilliilluni uumasoqatigiinnut pisassiissutit kommunimut, aqutsiveqarfimmumt nunaqarfinnulluunniit aalajangersarneqarsinnaapput.

*Imm. 3.* Uumasoqatigii nunap immikkoortuini qanoq killeqarfefeqarnerat pillugu ilisimatuussutsikkut ilisimasat nutaanerpaat tunngavigalugit piniarfissat aalajangersarneqassapput.

**§ 7.** Ilanngussaq 2 naapertorlugu killilfersukkamik piniarfit aqutsiveqarfillu nassuiakkat iluanni aaffanniartoqarsinnaavoq, ukioq pisassiiffusoq januarip 1-aniit decembarip 31-anut atuuppoq, ullut taaneqartut ilanngullugit.

## Kapitali 6

*Tusarniaaneq aamma piniagassanut pisassiissutinik agguassineq*

**§ 8.** Kommuninut pisassiissutinik, § 5, imm. 1 naapertorlugu aalajangersakkanik agguassineq § 5, imm. 1, nr. 4 naapertorlugu tusarniaareernerup kingornatigut, agguassineq Naalakkersuisumit sulianerineqassaaq.

*Imm. 2.* Piniagassatut pisassiissutit kommunikaarlugit, aqutsiveqarfikkaarlugit, illoqarfikkaarlugit aamma nunaqarfikkaarlugit aalajangersaavagineqarsinnaapput.

*Imm. 3.* Aalisarnermut Piniarnermullu Naalakkersuisoqarfiup kommuninut pisassiissutinut atatillugu pisariaqartumik allaffissornikkut aqtsineq kommuninut isumagisassanngortissinnaavaa.

*Imm. 4.* Paasineqarpat kommunimi pineqartumi unioqqutitsilluni aaffattoqarsimasoq ukiumi pineqartumi ukiumiluunniit pisassiivimmi tullermi aqutsiveqarfimmumt pisassiissutit Aalisarnermut Piniarnermullu Naalakkersuisoqarfiup ikilisissinnaavai. Piaraq pisarineqartoq aavermik inersimasumik ataatsimik amerlassusiliinertut atuuppoq.

*Imm. 5.* Aarrinik nunap immikkoortuani aaveqatigii ataatsip killeqarfiata iluani pisassiissutit atunngitsuukkat pisassiissutinut tamarmiusunut nunap immikkoortuani pineqartumi ukioq pisassiiffiusup tullianut nuunneqarsinnaapput. Pisassiissutinik atorneqanngitsoortunik nuusseriaaseq tassaavoq ukiumiit ukiumut amerliartuutaanngitsumik nuussineq.

## Kapitali 7

*Piniarsinnaatitaasut, akuersissutinik tunniussineq agguassinerlu*

**§ 9.** Nalunaarummi matumani pineqartut naapertorlugit inuit akuersissummik tunineqarsimasut kisimik aaffanniarsinnaatitaapput. Tamanna aamma ataatsimoirluni piniarnermi atuuppoq.

*Imm. 2.* Akuersissut ataaseq ukiumi pisassiiviusumit ataatsimit aqutsiveqarfimmumt akuersissutip tunniunneqarfiani, aavermik ataatsimik pisaqarnissamut periarfissiivoq. Piffissaq piniarfiusoq akuersissummi takuneqarsinnaavoq.

*Imm. 3.* Akuersissut aallaaniarsinnaanermullu allagartaq atuuttoq piniarnermi aallaaniarnermilla nassarneqartassaaq nakkutilliinermullu atatillugu politiit, piniarnermik aalisarnermilla nakkutilliisut,

taakku ikiortaasa imaluunniit inuit tamatumunnga piginnaatitaasut piumasaqarnerisigut takutinnejartassalluni.

*Imm. 4.* Nunap immikkoortuini umasoqatigiit killeqarfisut nassuarneqarsimaneri akimorlugit piniarnissaq inerteqqutaavoq, ilanngussaq 2 takuuk.

*Imm. 5.* Piniarneq aallartitsinnagu communalbestyrelsi pisassiissutit aqtsiveqarfitt iluini illoqarfinnut nunaqarfinnullu tamanut agguatissavai.

*Imm. 6.* Pisassiissutit aalajangerneqarnikut aqtsiveqarfinnut agguanneqareerpata communalbestyrelsi Aalisarnermut Piniarnermullu Naalakkersuisoqarfimmum piaartumik ilisimatitsissaq.

**§ 10.** Akuersissut inummut atiatigut taasamut taamaallaat atuuppoq allanullu tunniunnejarsinnaanani imaluunniit tuniniarneqassanani.

*Imm. 2.* Piniartut akuersissummik tunineqarsimasut akuersissummilli atuisinnaanngitsut imaluunniit atuerusunngitsut, piaarnerpaamik akuersissut atorneqanngitsoq communalbestyrelsimit utertissavaat.

**§ 11.** Aaffanniarsinnaanermut akuersissutit normulersukkut kommunimi qinnuteqartup inuit nalunaarsorsimaffianni angerlarsimaffeqarfigisaani communalbestyrelsimit qinnuteqartoqareerneratigut tunniunnejassapput.

*Imm. 2.* Akuersissutinik agguassineremi peqataasinnaajumalluni piffissami qinnuteqaateqarfusussami aamma piniarnerup nalaani qinnuteqartoq inuussutissarsiutigalugu piniarnermut allagartamik atuuttumik peqassaaq, piffissaq qinnuteqarfimmilu minnerpaamik 15-inik ukioqalereersimassalluni akuersissutit agguanneqarnerani peqataanissamut.

*Imm. 3.* Akuersissummik tunniussinerminut peqatigitillugu communalbestyrelsip aaffassimanermut nalunaaruteqarnermi immersugassaq akuersissummik pissarsisumut tunniutissavaa. Aaffassimanermut nalunaaruteqarnermi immersuiffissaq nalunaarummi ilanngussaq 1-imik takuneqarsinnaavoq.

**§ 12.** Kommunalbestyrelsip aaffanniarsinnaanermut akuersissutit agguassinaasai aaffanniarsinnaanermut qinnuteqartoqarsinnaanermut naammassinnittut akuersissutiniit ikinneruppata, § 11, imm. 1 takuuk, communalbestyrelsip aalajangersinnaavaa akuersissutit illoqarfinnut/nunaqarfinnut tulleriaarinermi imaluunniit pisortatigoortumik makitsinikkut imaluunniit piniartut akornanni aaqqissuussissalluni.

*Imm. 2.* Kommunalbestyrelsi piniartumut ataatsimut akuersissummik ataasiinnaanngitsumik tunniussisinnaavoq.

**§ 13.** Kommunalbestyrelsi pisaqarnissamut akuersissutit aaneqarnissaannut piffissamik killiliisinnaavoq.

*Imm. 2.* Akuersissutit piffissamik killiliilluni aalajangersakkap ingerlanerani aaneqarsimanngitsut, imm. 1 takuuk, pisortatigoortumik utaqqisut allattorsimaffiat communalbestyrelsimit pilersinneqartoq naapertorlugu aqtsiveqarfiup iluani agguateqqinnejarsinnaapput.

*Imm. 3.* Aguaasseqqinnissamut piffissaliussaq communalbestyrelsimit nalunaarutigineqassaaq.

*Imm. 4.* Kommunimi aamma sumiiffinni aqtsiveqarfinni pineqartuni najukkani aalisartut piniartullu peqatigiiffiinik kiisalu susassaqartut tamaasa najukkani aalisartut piniartullu peqatigiiffeqanngitsut ilanngullugit tusarniaareernerup kingornatigut aguaasseqqinnej ingerlannejqassaaq.

**§ 14.** Kommunalbestyrelsip pisassiissutigineqartut isumannaatsumik malinnaavigissavai piniarnerlu ingerlaannartumik unitsinneqassalluni tusagassiorfinnut nalunaaruteqarnikkut kommunimut imaluunniit aqutsiveqarfimmuit pisassiissutit tamakkerneqarpata.

*Imm. 2.* Kommunalbestyrelsi kommunimut imaluunniit aqutsiveqarfimmuit pisassiissutigineqartut tamakkerluginit pisarineqarpata Aalisarnermut Piniarnermullu Naalakkersuisoqarfik allakkatigut saaffigissavaa tusagassiorfinnut nalunaarut imm. 1-im i taaneqartup assilinera ilanngullugu.

## Kapitali 8

### *Piniariaatsit atuinerlu*

**§ 15.** Affanniarnermi taamaallaat qoorortuut minnerpaamik 30.06-imik (7,62x63 mm) sulloqqortussusillit atorneqaqquaapput. Qoorortuut eqqarasuwartartut nutsuinnartakkalluunniit aaffanniarnermi atoqquaanngillat.

**§ 16.** Timmisartut helikopterit qamutillu motoorillit, taamatuttaaq qamuteralaat All-terrain vehicles (ATV-it) ilanngullugit, kiisalu angallatit, angallatip angissusianut uppermarsaat malillugu 15 meterinik takissuseq tamakkerlugu (t.t.) taktigisut tassangaluunniit anginerusut, aaffanniarnermut atatillugu imaluunniit piniarfissamut piniarfissamiillu angalanermut atorneqaqquaanngillat.

**§ 17.** Qimusseriarsuarmi eqqisisimatitsivik 1-im aaffanniarneq ileqqutoqqat atorlugit ingerlaneqassaaq, taassuma ataani qaannamik aaffanniarneq. Sumiiffik eqqisisimatitsivik 1-ip aamma eqqisisimatitsivik 2-p akornanniippoq.

**§ 18.** Aarrup pisarineqartup neqaa, amia atorneqarsinnaortalaal allat tamaasa piniarfimmuit angerlaanneqassapput qimatulineqarlutilluunniit. Pisaqarfik qimatsinnagu sinnikut peerneqarnissaat sapinngisamik isumaginiarneqassaaq.

## Kapitali 9

### *Akuerineqareernerup kingornatigut toqutsineq*

**§ 19.** Aalisarnermut Piniarnermullu Naalakkersuisoqarfimmit akuerineqareernikkut aarrinik nappaatilimmik, annertuumik ikilerneqarsimasunik imaluunniit aarrit qassutit aalisarnermut atortunut allanullu nuiguussimasunik toqtsisoqarsinnaavoq.

*Imm. 2.* Aaffattamik akuerisaasumik pisaqareernerup kingunerisaanik paasineqarpal pisaq nappaammik imaluunniit assigisaanik pissuteqartumik inunnut nerisassatut naleqquttuunngitsoq, tamatuma kingunerisaanik Aalisarnermut Piniarnermullu Naalakkersuisoqarfipal pisap toqunneqartutut isigneqarnera akuerisinnaavaa. Akuersissut atorneqarsimappat taanna suli atuutissaq.

*Imm. 3.* Imm. 1 naapertorlugu aarrit toqunneqartut najukkami innuttaasunut agguanneqarsinnaapput, pisaq nerisassatut naleqquppat. Niaquata saarnga, kigutit (tuugaaq), baculum (usuata saarnga) Aalisarnermut Piniarnermullu Naalakkersuisoqarfipal pigisarai, toqunneqarneratalu kingornatigut kingusinnerpaamik ullut 14-it qaangiunneranni nassiunneqassallutik uunga Postboks 269, 3900 Nuuk.

Nassitsinermut aningasartuutit Aalisarnermut Piniarnermullu Naalakkersuisoqarfimmit akilerneqassapput.

## Kapitali 10

*Pissaaneq aamma saniatigut pisarisuukkat*

**§ 20.** Aarrit pissatat saniatigullu pisarisuukkat Aalisarnermut Piniarnermullu Naalakkersuisoqarfimmut nalunaarutigineqassapput. Aavernik pissaasoqartillugu saniatigulluunnit pisarisoorisoqartillugu sapinngisamik piaernerpaamik piniarnermik aalisarnermillu nakkutilliisoq tamanna pillugu attavigineqassaaq. Pissataq saniatigulluunniit pisarisuugaq piniartup akuersissutaanut imaluunniit aqutsiveqarfimmi aaffattasanut sunniuteqassanngilaq.

*Imm. 2.* Aaveq saniatigut pisarisuugaq sumiiffimmi innuttaasunut agguaanneqarsinnaavoq, pisaq nerisassatut naleqquppat.

*Imm. 3.* Siloq siumorneqarpat – Aalisarnermut Piniarnermullu Naalakkersuisoqarfimmut nalunaarutigineqassaaq. Siloq iluaqtigineqarsinnaassappat sumiiffimmi qanoq passunneqarnissaa Naalakkersuisoqarfiup aalajangissavaa. Silormik naammattoorsinermi ilangussaq 1-ikkut nalunaarutigineqarsinnaavoq, siloq iluaqtigineqarsinnaappat.

*Imm. 4.* Tunngaviusumik niaquata saarnga, kigutit (tuugaaq) aamma baculum Aalisarnermut Piniarnermullu Naalakkersuisoqarfiup pigisarai, Naalakkersuisoqarfiup aalajangissavaa pineqartoq qanoq passunneqassanersoq. Nassitsinermut atatillugu aningasartuutaasinnaasut Aalisarnermut Piniarnermullu Naalakkersuisoqarfiup akilissavai.

## Kapitali 11

*Tunisinermi piumasaqaatit*

**§ 21.** Inuussutissarsiutigalugu piniartunit atuuttumik inuussutissarsiutigalugu piniarnermut allagartalinnit pisaqarnissamullu akuersissummik naqissusikkamik peqartut kisimik neqinik, niaquata saarnganik, baculum aamma tuugaavinik pisiortorfittut siullertut tuniniaasinnaapput.

*Imm. 2.* Aaffattat tuniniaqquaanngillat akuersissut naqissuserlugu kommunip allaffia nunaqarfimmiluunniit immikkoortortaq pisamik nalunaarsuereertinnagu, taamaattorli imm. 3 takuuk.

*Imm. 3.* Kommunip allaffiata nunaqarfimmiluunniit immikkoortortap ammanerata avataatigut suli naqissuserneqanngitsumik tuniniaaneq aallartissinnaavoq allaffik ammarniariartoq nalunaarsuisoqarpas.

*Imm. 4.* Pisanik aaffattalluunniit ilanik tunisineq imaluunniit pisineq aatsaat pisinnaavoq akuersissummik piginnittup akuersissutip assilinerani uppernarsarlugu atsiorpagu. Taanna tuniniaasoqartillugu qinnuigineqarnikkut takutinneqarsinnaassaaq. Assilinerani takuneqarsinnaassaaq pisap kommunimi oqartussaasumit nalunaarsorneqarsimanera. Aarrup niaquata saarnganik, kigutaanik, baculum kiisalu saarnganik tuniseqqinermi tunisinermiluunniit tunisinermut atatillugu akuersissutip assilinera atsiorneqarsimasoq naqissuserneqarsimasorlu ilaatinneqassaaq. Taamaattoq sanalukkanik equmiitsulanut atatillugu tuniniaaqqinneaq akuerisaavoq.

*Imm. 5.* Unioqqutitsilluni aaffattaasimasup neqaa, baculum, saarnga, kigutaai pisataalu allat tunissutitut tigoqqusaanatillu pisiareqqusaanngillat.

*Imm. 6.* Aalisarnermut Piniarnermullu Naalakkersuisoqarfik aalajangiisinjaavoq aaveq inatsisinik

unioqqutitsilluni pisarineqartoq tamakkerluni taassumaluunniit ilai pisortat suliffeqarfiutaannut imaluunniit nunaqqatigiinnut aguaanneqassasut.

## Kapitali 12

*Nalunaaruteqarneq nakkutilliinerlu*

**§ 22.** Aaffattat, saniatigut pisarisuukkat pissatallu sapinggisamik piaernerpaamik kommunimut angerlarsimaffigisamut, illoqarfimmiluunniit immikkoortortaqarfimmiluunniit nalunaarutigineqassapput.

*Imm. 2.* Nalunaaruteqarneq piniartumit pisaqartumit namminermi isumagineqassaaq. Ataatsimoorluni piniarnermi pisat nalunaarutigineqassapput taamaallaat akuersissummik piginnittumit.

*Imm. 3.* Nalunaaruteqarnermi immersugassaq nalunaarummi ilanngussaq 1 naapertorlugu pisanik nalunaaruteqartoqassaaq. Pisanut, pissatanut saniatigulluunniit pisarisuukkanut ataasiakkaanut tamanut immersuiffissaq ataaseq immersorneqassaaq. Akuersissut kommunimut naqissusikkap assilinera pisanik pissatanillu nalunaarutiginninnermi ilanngunneqassaaq, aaveq tuniniarneqassappat, § 21 imm. 1 takuuk. Immersuivissaq immersugaq akuersissutip naqissuserneqarneranut peqatigitillugu tunniunneqassaaq, taamaattorli § 20, imm. 1 takuuk.

*Imm. 4.* Pisaq nalunaaqutaqarsimappat normulimmik radiukkut imaluunniit qaammaataasakkut nassitsisseqarpat, taanna aaffassimanermillu nalunaaruteqarnermi immersukkap assilinera ilanngullugu Pinngortitaleriffimmilu nassiuunneqassapput. Aaffassimanermik nalunaaruteqarnermi immersugassaq immersorneqartup original-ia Piniarnermut Aalisarnermullu Naalakkersuisoqarfimmilu nassiuunneqassaaq, tassani normuqarnerani, radiukkut qaammataasakkulluunniit nassitsissut Pinngortitaleriffimmilu nassiuunneqarnera nalunaarutigineqassaaq.

*Imm. 5.* Kommunalbestyrelsip uani nalunaarummi ilanngussaq 1-imi immersuiffik kiisalu akuersissutit naqissusikkat assingi tiguneqarnerisa kinguninngua piaernerpaamik Aalisarnermut Piniarnermullu Naalakkersuisoqarfimmilu nassiuutissavai.

**§ 23.** Inuussutissarsiutigalugu piniarnermut allagartaq atuuttoq aamma akuersissut imaluunniit tunisisinnaanermut akuersissut politiit, piniarnermik aalisarnermullu nakkutilliisut imaluunniit tamatumunnga piginnaatitaasut piumasaqarnerisigut takutinneqarsinnaassaaq.

## Kapitali 13

*Allatut ajornartumik imminullu illersorniarluni aaffanneq*

**§ 24.** Pinerluttulerineq pillugu inatsimmi tamanna pillugu malittarisassat naapertorlugit imminut illersortariaqarluni iliortoqartariaqarluniluunniit aaffattoqarpat aaffattaq tamarmi Aalisarnermut Piniarnermullu Naalakkersuisoqarfimmilu nassiuunneqassaaq. Naalakkersuisoqarfifiup pisaaq qanoq pineqassanersoq aalajangissavaa. Aalisarnermut Piniarnermullu Naalakkersuisoqarfifiup sumiiffimmilu neqip il.il. aguaannissaata isumaginissaa aallartisarsinnaavaa.

*Imm. 2.* Allatut ajornartumik imminullu illersorniarluni aaffattup tamanna ingerlaannaq Aalisarnermut Piniarnermullu Naalakkersuisoqarfimmilu nassiuunneqassaaq.

## Kapitali 14

*Kommunimi ileqqoreqqusat*

**§ 25.** Kommunalbestyrelse kommunip ileqqoreqqusaatigut nalunaarummi § 7, § 11, imm. 1 aamma imm. 3, § 12, § 13, imm. 1-3, § 14, § 15, imm. 1, § 16, § 18, § 21, imm. 1-5-im i aalajangersakkanit sakkortunerusunik aalajangersaasinnaapput kiisalu kommunip iluani sumiiffinni aalajangersimasuni piniarnerup qanoq ingerlanneqarnissaanut najoqqutassiorsinnaallutik.

*Imm. 2. Kommunit ileqqoreqqusaat Aalisarnermut Piniarnermullu Naalakkersuisumit akuerineqartassapput.*

## Kapitali 15

*Nalunaaqutsiineq annissinerlu*

**§ 26.** Aavernik nalunaaqutsiineq suliallu allat aavernik ilisimatuussutsikkut misissuinernut attuumassuteqartunut atatillugu nikinnaveersaartsineq taamaallaat Pinngortitaleriffimmit ingerlanneqarsinnaapput.

*Imm. 2. Immikkoortoq 1 naapertorlugu siunertaanngitsumik toqtsineq Aalisarnermut Piniarnermullu Naalakkersuisoqarfimmuit nalunaarutigineqassapput. Naalakkersuisoqarfup siunertaanngitsumik toqtaq qanoq pineqassanersoq aalajangersaavigissavaa.*

**§ 27.** Aarrit, nukallut ilanngulligit, Naalakkersuisut akuersissuteqarsimatinngagit uumasuutigeqquneqanngillat imaluunniit Kalaallit Nunaanniit anniseqqusaanngillat.

## Kapitali 16

*Immikkut akuersissuteqarneq piniarnermullu piumasaqaatit sukumiinerusut*

**§ 28.** Aalisarnermut Piniarnermullu Naalakkersuisoqarfik ilisimatusarnermut imaluunniit Kalaallit Nunaata piniagassatigut pisuussutaasa nalunaarsorneqarnerannut atatillugu nalunaarummi matumani aalajangersakkanik atortinneqannginnissaannik immikkut akuersissuteqarsinnaavoq.

**§ 29.** Aalisarnermut Piniarnermullu Naalakkersuisoqarfik aaffanniarsinnaanermut atatillugu piumasaqaatinik aalajangersaasinnaavoq, ilisimatuussutsikkut misissuinernut atugassanik aarrup pisarineqarsimasup amimernganik, neqimernganik, saanimernganik imaluunniit kigutimernganik tunniussisarnissamut. Ilisimatuussutsikkut misissugassaq pisap paasissutissartai aammalu pisanut nalunaarutip assilinera ilanngulligit kommunep allaffianut tunniunneqassaaq aamma Nunatsinni Pinngortitaleriffiup plastik-imik puussarititaanut tunniunneqarsimasumut asiunaveersaammik imerpalsortalimmut ikineqassapput.

*Imm. 2. Kommunip allaffiata misissugassat pisanillu nalunaaruteqarnermi immersugassaq immersomasup assilinera tiguneqareernerisa kinguninnguatigut Pinngortitaleriffik, Postboks 570, 3900 Nuummut nassiuutissavai. Nassiussinermut aningaasartuutit Pinngortitaleriffiup akilissavai.*

## Kapitali 17

## *Pineqaatissiissutit*

**§ 30.** § 3-4, § 7, § 9, imm. 1-3. § 10, §§ 15-21, § 22, imm. 1-4, §§ 23-24, §§ 26-27, § 29, imm. 1-imik unioqqutitsisoqartillugu akiligassiinermik pineqaatissiisoqarsinnaavoq aamma arsaarinnittooqartarnissaq pillugu pinerluttulerinermi inatsimmi aalajangersakkat atuupput.

*Imm. 2.* Nalunaarut malillugu kommunimi ileqqoreqqusat unioqqutinneqartillugit pinerluttulerinermi inatsit malillugu kommunimi ileqqoreqqusani akiliisitsisoqartarnissaar arsaarinnittooqartarnissaalu aalajangersarneqarsinnaapput.

*Imm. 3.* Aarrup ilaasa arsaarinnissutigineqartut atorneqarnissaat Aalisarnermut Piniarnermullu Naalakkersuisoqarfimmit aalajangerneqartassaaq.

*Imm. 4.* Inatsisitigulluunniit pisussaatitaasuttaaq imm. 1 malittarissanik ilaatinneqarput, pinerluttulerinermi inatsimmi aalajangersakkat naapertorlugit.

*Imm. 5.* Nalunaarut manna malillugu akiliisitsinermik pineqaatissiissutit Nunap Karsianut nakkartinneqassapput.

## **Kapitali 18**

*Atuutilersitsinermut ikaarsaariarnermullu aalajangersakkat*

**§ 31.** Nalunaarut ulloq 7. oktobari 2022 atuutilerpooq.

*Imm. 2.* Peqatigitillugu Namminersornerullutik Oqartussat aavernik illersuineq piniarnerlu pillugit nalunaarutaat nr. 20, 27. oktober 2006-imeersoq atorunnaarpooq. Taamaakkaluartoq kommunip ileqqoreqqusai nalunaarut malillugu atulersinneqartut allanngortinneqarnissamik atorunnaarsinneqarnissamilluunniit tungaannut atuutiinnarallassapput.

*Namminersorlutik Oqartussat, ulloq 7. oktobari 2022*

Karl Tobiassen

Aalisarnermut Piniarnermullu Naalakkersuisoq

/ Jørgen Isak Olsen

Namminersorlutik Oqartussat

Imaneq 4

3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut